

Broj: 06-11-47-2/2021-RSA-8
Sarajevo, 21.12.2021. godine

Na osnovu člana 70. st. (1) i (4), a u vezi sa članom 69. stav (2) tačka e) Zakona o javnim nabavkama („Službeni glasnik BiH“, broj: 39/14), a na prijedlog Stalne komisije za provođenje postupaka javne nabavke roba, usluga i radova i drugih poslova u vezi sa aktivnostima na provođenju Projekta rekonstrukcije/sanacije/adaptacije zgrade Vlade Federacije Bosne i Hercegovine u Sarajevu i objekta poslovne zgrade „Staklena banka“ u Mostaru, imenovane Rješenjem, broj: 09-34-323/2019 od 01.11.2019. godine i broj: 09-34-323-1/2019 od 01.06.2021. godine, sekretar Vlade Federacije Bosne i Hercegovine, d o n o s i

O D L U K U
O PONIŠTENJU POSTUPKA JAVNE NABAVKE USLUGA – USLUGA IZRADE GLAVNOG
PROJEKTA KONSTRUKTIVNE SANACIJE OBJEKTA POSLOVNE ZGRADE
„STAKLENA BANKA“ U MOSTARU

I.

Poništava se postupak javne nabavke: Otvoreni postupak za javnu nabavku usluga - usluga izrade Glavnog projekta konstruktivne sanacije objekta poslovne zgrade „Staklena banka“ u Mostaru, evidencijski broj nabavke: 06-11-47-2/2021-RSA-1 od 27.10.2021. godine, broj Obavještenja o nabavci sa Portala javnih nabavki: 854-1-2-123-3-20/21 od 27.10.2021. godine, Sažetak obavještenja o nabavci objavljen u „Službenom glasniku BiH – Oglasnik javne nabavke“, broj: 66/21, s obzirom da jedina prihvatljiva ponuda ponuđača PRO – MOST d.o.o. Mostar znatno prekoračuje procijenjenu vrijednost nabavke.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-47-2/2021-RSA od 13.09.2021. godine. Javna nabavka provedena je putem otvorenog postupka. Ukupna procijenjena vrijednost nabavke iznosila je 65.000,00 KM bez PDV-a.

Obavijest o nabavci, broj: 854-1-2-123-3-20/21 poslana je na objavu 27.10.2021. godine, te je istog dana objavljena na portalu Javnih nabavki. Sažetak obavještenja o nabavci objavljen je u „Službenom glasniku BiH – Oglasnik javne nabavke“, broj: 66/21.

Tendersku dokumentaciju je preuzelo 18 (osamnaest) privrednih subjekata, a 2 (dva) ponuđača dostavila su ponude u predmetnom postupku nabavke.

Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: PRO – MOST d.o.o. Mostar i „RADIS“ d.o.o. Istočno Sarajevo.

Stalna komisija, imenovana Rješenjem, broj: 09-34-323/2019 od 01.11.2019. godine i broj: 09-34-323-1/2019 od 01.06.2021. godine, izvršila je pregled i ocjenu ponuda, te konstatovala da od ukupno 2 (dvije) primljene ponude, ponuda ponuđača: PRO – MOST d.o.o. Mostar ocijenjena je kao prihvatljiva i "RADIS" d.o.o. Istočno Sarajevo ocijenjena je kao neprihvatljiva.

Ponuda ponuđača „RADIS“ d.o.o. Istočno Sarajevo, sa registriranim sjedištem u Istočnom Sarajevu, ID broj: 4400548800008 odbačena je iz sljedećih razloga:

- Tenderskom dokumentacijom, broj: 06-11-47-2/2021-RSA-1 od 27.10.2021. godine u poglavlju III. tačka 1. podtačka 1.1. g. propisano je da ponuđači trebaju ispunjavati uvjete u pogledu tehničke i profesionalne sposobnosti na način:
„- da imaju uspješno iskustvo u realizaciji najmanje dva (2) ugovora na izradi glavnog projekta konstruktivne faze iz oblasti visokogradnje, u posljednje tri godine ili od datuma registracije odnosno početka poslovanja ako je ponuđač registriran odnosno počeo s radom prije manje od tri godine, ukupne vrijednosti 65.000,00 KM (bez PDV-a). Posljednje tri godine se računaju u odnosu na datum obavještenja.
- da mogu osigurati projektni tim čiji voditelj projekta/odgovorni projektant mora imati sljedeće kvalifikacije: diplomirani inženjer građevinarstva-konstruktivni smjer, sa položenim stručnim ispitom i najmanje 10 godina radnog iskustva na uslugama projektiranja konstruktivne faze iz oblasti visokogradnje i iskustvom na najmanje 2 ugovora za izradu glavnih projekata konstruktivne faze iz oblasti visokogradnje, u svojstvu voditelja projekta/odgovornog projektanta.“
 - Iz dostavljenih potvrda o urednom izvršenju ugovora ponuđača nije navedeno (dokazano) da ponuđač ima iskustvo na izradi glavnog projekta konstruktivne faze iz oblasti visokogradnje.
 - Iz dostavljene biografije za voditelja projekta nije navedeno (dokazano) da voditelj projekta ima iskustvo na izradi glavnih projekata konstruktivne faze iz oblasti visokogradnje.
 - Također, iz dostavljene dokumentacije ne može se utvrditi da je voditelj projekta diplomirani inženjer građevinarstva-konstruktivni smjer.

Ponuda ponuđača PRO – MOST d.o.o. Mostar ocijenjena je kao prihvatljiva, ali ista prekoračuje procijenjenu vrijednost nabavke, koja iznosi 65.000,00 KM bez PDV-a. Ukupna cijena Ponude ponuđača PRO – MOST d.o.o. Mostar iznosi 94.000,00 KM bez PDV-a i veća je za 29.000,00 KM bez PDV-a u odnosu na procijenjenu vrijednost javne nabavke.

Stalna komisija dostavila je sekretaru Vlade Federacije Bosne i Hercegovine Zapisnik o pregledu i ocjeni ponuda, broj: 06-11-47-2/2021-RSA-6 od 20.12.2021. godine i Preporuku za donošenje odluke o poništenju postupka, broj: 06-11-47-2/2021-RSA-7 od 21.12.2021. godine, u kojem je konstatovala da je ponuda ponuđača PRO – MOST d.o.o. Mostar, sa registriranim sjedištem u Mostaru, ID broj: 4227548580004 prihvatljiva u smislu kvalifikacionih uvjeta postavljenih u Tenderskoj dokumentaciji, ali da ista, znatno prekoračuje procijenjenu vrijednost javne nabavke, koja je iznosila 65.000,00 KM bez PDV-a. Odnosno cijena ponude je veća za 29.000,00 KM bez PDV-a u odnosu na procijenjenu vrijednost nabavke.

U postupku donošenja ove odluke, posebno su cijenjene činjenice, da je Stalna komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije.

Ponuđač PRO – MOST d.o.o. Mostar dostavio je prihvatljivu Ponudu u skladu sa uvjetima postavljenim u Tenderskoj dokumentaciji.

S obzirom da Ponuda ponuđača PRO – MOST d.o.o. Mostar znatno prekoračuje procijenjenu vrijednost javne nabavke, rukovodilac Ugovornog organa dala je saglasnost Stalnoj komisiji, za sačinjavanje Prijedloga odluke o poništenju predmetnog postupka javne nabavke.

Uzimajući u obzir naprijed navedeno, a shodno članu 69. stav (2) tačka e) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđači koji su učestvovali u postupku nabavke mogu izjaviti žalbu Uredu za razmatranje žalbi Bosne i Hercegovine, putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



SEKRETAR VLADE
Edita Kalajdžić
mr.sc. Edita Kalajdžić

Dostaviti:

1. Ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove